

[Asturianu] La falacia del votu útil ¿Útil pa quién?

ANA FERNÁNDEZ / INFOASTURIES :: 15/05/2019

Útil pa sacar alantre una constitución, la del 78, que mos cargo con una monarquía entantu “perdonaba” los asesinatos y robos de los franquistes

Útil pa sacar alantre una constitución, la del 78, que mos cargo con una monarquía entantu “perdonaba” los asesinatos y robos de los franquistes a cambiü de lliberar los presos políticos del momentu ¿? Entos la utilidá yera: o constitución o dictaura. Finalmente quedaron les dos. **Fue'l votu del miéu.**

Útil pa caltener nel poder los dos partios herederos del franquismu. Ello ye, el PP de dreches dafechu, y el PsoE de dreches nos fechos. 40 años que siguieron y nos que'l votu útil **fue'l votu'l castigu**; entantu perdimos drechos llaborales y llibertaes, privatizando lo privatizable y esfarrapando la sanidá ya la educación col fin de facela dafechu privá.

El votu útil más reciente, el votu'l miéu otra vegada. “Qué torna'l facismu, que bien la drecha recalcitrante de vox”. Drecha que, per otu lláu siempre tuvo equi, agazapá, disimulando ... consecuencias del chanchuyu de la constitución del 78. Asina perdimos cualquier oportunidá de cambiü y tenemos nel gobiernu d'España más de lo mesmo. Y anguañu **el votu útil que mos quieren vender ye'l de la esperanza ciega y la fe.**

Si fe, porque fe ye creyer no que nun se vio. Creyer que los mesmos que fasta agora tuvieron a la escontra la nuesa llingua, que ficiéron to lo posible por desaniciala xunto cola cultura Asturiana de sópitu esmolecense por ella Y ...tan dispuestos a concedemos el gran favor de facela oficial. Escaezamonos que esto, la oficialidá del asturianu, ye un drechu que la llamentable constitucion del 78 nos otorga nel articulu 3 a tolos pueblos con llingua propia. Escaezamonos tamién de que fae 38 años ficiéronmos dir, ensin permitimos votalo, como autonomía de segunda clas, esto ye non hestórica, a la contra de cualquier cuestión lloxica y/o hestórica. Escaezamos les décadas d'ataques al asturianu y la desidia acumulá...

<https://www.infoasturies.com/as/2019/05/15/la-falacia-del-votu-util-util-pa-quien/>

Non señores, el votu útil, útil de verdá ye'l que se da dende la reflesión y l'analís de la rialidá, de los fechos, en conciencia y en bas a unes promeses eleutorales que deberien ser d'obligáu cumplimentu, ya que lo contrario ye nidamente un engañu aposta.

https://www.lahaine.org/est_espanol.php/asturianu-la-falacia-del-votu